

通用君之心，行君之意，龜策誠不能知此事。

〔史記六十七仲尼弟子列傳〕商瞿魯人，字子木，少孔子二十九歲。孔子傳易於瞿。

〔續日本紀八元正〕養老五年六月戊戌，詔曰：沙門行善，負笈遊學，既經七代，備嘗難行解。三五術方歸本

鄉，矜賞良深，如有修行天下諸寺，恭敬供養，一同僧綱之例。

○按ズルニ、行善ノ三五術バ、果シテ易道ナリヤ否ヤヲ詳ニセズト雖モ、姑ク此ニ附記ス、

〔羅山文集六十九隨筆〕日本古來，紀傳明經等博士，讀周易唯見王弼孔穎達之註疏，不知伊川易傳。朱子本

義之有微旨深趣，近世浮屠瑞仙之徒，且謂易之奧義，程朱能知之，漢唐儒者不及也。且撰筮本卦命期此三者以爲傳授，是何爲者哉？朱子有筮儀，可見以知之。本卦命期之說，聖人未嘗言之，註疏未有之，程朱不言之，蓋里巷野人之漫說乎？日本博士，粗有意者，知其爲非。

〔鷲峯文集四十九講易解壬寅孟春九日〕

大哉易之爲書也，其卦伏羲所畫，文王繫卦辭，謂之彖。周公繫爻辭，謂之象。自乾坤至坎離爲上經，自咸恒至既未濟爲下經。孔子演文王彖作傳，所謂彖上傳彖下傳是也。又就每卦下上贊之，號大象，就每爻釋周公辭，號小象，併大小象，就經文分上下，謂之上象下象，而乾坤二卦有文言，併上下繫辭說卦序卦雜卦總十篇，共孔子所作，號十翼，所謂易大傳是也。自漢以前，文王周公經與孔子傳，各爲別卷，乃是古易也。漢初傳易者數家，其授受載在儒林傳，就中費直初附彖傳象傳於經之各卦之次，所謂彖曰象曰是也。鄭玄據直本作註，至王弼附文言於乾坤附彖傳及大象於卦辭下，附小象傳於各爻下，而繫辭說卦序卦雜卦如舊，乃是今易也。由是古易廢而不行，玄專說象占，弼專主理，以老莊旨解之。鄭註行於北朝，王註行於南朝，凡漢魏南北朝之際，註易者數十家，逮孔穎達作正義，以王弼爲宗，而鄭學及諸家註皆廢。李鼎祚纂其僅存者，作集解，然自唐以後，至宋朝，無貴賤所用，唯弼註孔疏而已。諸儒各自作註者，亦各據今易，無說古易者。伊川傳壓倒諸家道理，初明也，然其次第，是弼本也，且自繫辭以下不解之，當